

## Licenzas de formación

A Consellaría négase a recuperar as licenzas por estudos retribuídas ou **as licenzas non retribuídas** cando sobre estas últimas, que figuran no Acordo asinado coa minoría sindical, existía o compromiso de ofertalas xa neste ano 2024.

**Mantense o número de meses total (500 meses) e introdúcese dúas novidades:**

- **elaboración de materiais en estadías no CIEDIx**, que implicará a presenza, como mínimo de 2 xornadas semanais neste centro.
- **elaboración de materiais en Platega para diferentes linguas nas EOI.**

**Modalidade 1** (300 meses): elaboración de materiais curriculares dixitais para todos os niveis educativos.

**Modalidade 2** (130 meses): creación de cursos non presenciais de formación de profesorado (modelo competencial da rede de formación e da competencia dixital docente).

**Modalidade 3** (70 meses): creación de materiais curriculares dixitais para os cursos de especialización de FP.

**A cifra total de meses e, por tanto, de fondos destinados ás licenzas, mantense conxelada en 500 nos últimos anos.**

As licenzas de formación manteñen a mesma estrutura destes últimos anos, centrada en satisfacer as necesidades da Consellaría, que prefire reducir mesmo a elaboración de materias curriculares para poder derivar parte dese diñeiro á elaboración de cursos de formación e sen atender demandas da CIG-Ensino

A Consellaría presenta unha convocatoria que mantén no fondo o mesmos principios para a concesión das licenzas por formación e desbota propostas da CIG-Ensino para, nuns casos, recuperar licenzas cunha importante demanda do profesorado como é o caso da ampliación e finalización de estudos que

**Os materiais estarán  
elaborados preferentemente  
en lingua galega ou na lingua  
que por normativa se  
imparta a materia**

repercutirían positivamente no sistema educativo e na formación permanente do profesorado.

Consolídase un ano máis a desaparición do espírito que deu lugar a unha parte importante destas licenzas: mellorar a formación e titulación do profesorado para afrontar os retos do sistema educativo e da propia carreira profesional, limitándose á funcionalidade de elaborar materiais curriculares e de formación para outros docentes.

Mantense a negativa a ofertar licenzas a profesorado de FP para poder integrarse no corpo de PES. Logo de A Consellaría négase expresamente a incluír licenzas de formación para realizar estudos de grao para o PTFP .

## En galego

Destacar que despois de anos e anos solicitando desde a CIG-Ensino que que todos os materias, incluído o proxecto, se deberán presentar, cando menos, en **galego** e incorporando unha modalidade específica para elaborar materiais e propostas de normalización e dinamización da lingua galega, a Consellaría inclúe, pero só para a modalidade 1 que os materiais estarán elaborados preferentemente en lingua galega ou na lingua que por normativa se imparta a materia. **A CIG-Ensino solicitou que se inclúa en todas as modalidades e que se eliminen o de preferentemente. A Consellaría manterá o carácter preferente mais acepta estendelo a todas as modalidades.**

## Propostas da CIG-Ensino

-  **A competencia dixital non pode ser un impedimento:** solicitamos a eliminación da obrigatoriedade de ter un nivel de competencia dixital docente B1, para poder participar nas modalidades 1 e 2. **A Consellaría acepta retirala que este ano, tendo en conta o momento de transición no que estamos de xustificación e recoñecemento de competencias dixitais. A súa intención é que figure nas seguintes convocatorias.**
-  Recuperar a modalidade de **perfeccionamento de linguas estranxeiras no exterior.** **Non a van recuperar, a administración di que esta modalidade está cuberta polo PIALE.**
-  **Incrementar as licenzas por formación nas modalidades ofertadas.** Mantense o mesmo orzamento para as licenzas, cun máximo de **500 meses para uns 32.000 docentes desde hai máis de seis anos.** Entendemos que, como mínimo, debería duplicarse o investimento nas licenzas e con máis modalidades.
-  Na nova submodalidade para a **creación de materiais en Platega para as EOI** non entendemos nin compartimos que se indique a preferencia para tres linguas (Alemán, Francés e Italiano). Esta modalidade debe afectar por igual a todas as linguas que se ofertan nas EOI.
-  A recuperación de **cursos** ou cando menos semestres **sabáticos** para realización de teses e mestrados ou para remate de graos, cun plan específico para o profesorado para extinguir do corpo de PTFP. A CIG-Ensino leva demandando esa oferta para docentes do corpo de PTFP

desde a entrada en vigor da LOMLOE, indicando que, cando menos, se fixese unha enquisa entre este profesorado para coñecer o interese por rematar estudos de Grao. A Consellaría segue desenténdose: nin fixo estudo algún nin lle interesa que este profesorado poida integrarse en PES antes de xaneiro de 2026. Coa entrada en vigor en breve da nova Lei de Ensino Artísticas Superiores vai acontecer o mesmo cos mestres e mestras de taller de Artes Plásticas e Deseño que poderán integrarse no corpo de Profesorado só se teñen titulación de Grao. Falamos de moi poucos docentes e demandamos que se facilite a integración. **Néganse a incorporar estas licenzas.**

- Desde súa eliminación a CIG-Ensino exixiu ano tras ano a recuperación das **licenzas sen retribución para ampliación de estudos**, cunha duración mínima dun semestre e máxima dun curso escolar. No Acordo asinado coa minoría sindical en outubro de 2024 dise expresamente que se recuperarán no ano 2024 e no texto no figuran. **A Consellaría non responde a esta cuestión, algo asombroso tendo en conta ese compromiso de ofertalas xa neste ano.**

- Incremento da duración das diferentes modalidades**, especialmente a mínima de 1 mes, totalmente insuficiente. No caso dos grupos, deberíanse sumar as horas de cada unha das persoas, elevando o máximo a 9 meses se hai tres docentes, como se facía até agora na modalidade 4 de grupos para materiais de FP. **Non o aceptan.**

- Solicitamos que na resolución provisional se publiquen as notas do proxecto por

subepígrafes, de cara a facilitar as reclamacións do profesorado.

- A comisión debe ser clara á hora de puntuar os diferentes apartados do proxecto así como a cualificación global deste. As persoas cun proxecto valorado por baixo do mínimo deben ter dereito a solicitar a revisión do seu proxecto, coñecendo esa puntuación por apartados.
- Incorpórase un mecanismo sancionador de non poder participar nas comisións de formación, cando os traballos presentados teñan unha valoración de “non apto”. Non estamos de acordo, partindo de que a corrección é subxectiva, persoal e sen control sindical. Recordamos que esta corrección xa ten dado problemas en anos anteriores. **Como alternativa** diríamos que os declarados non aptos -con control sindical- pasen a ao final na prelación do artigo 1 (persoas destinatarias).

## Articulado

- Demandamos **que se impulse a creación e dotación de materias curriculares na nosa lingua**, dada a vergoñenta falta de recursos actual. Para iso debe indicarse que deben realizarse en galego.
- Na **modalidade 2 (creación de cursos non presenciais)** solicitamos que haxa exención total ou cando menos parcial de docencia durante a pilotaxe e titorización do curso creado. **Non o aceptan.**
- Non entendemos que a concesión da licenza da **modalidade 2** quede supeditada á avaliación positiva da formación específica sobre o deseño e

creación dun curso na Rede en Platega, cando para a elaboración do proxecto se esixe a entrega dun módulo completo elaborado, o que xa de por si debe demostrar competencia suficiente. **Non o van cambiar.**

-  **Artigo 5º.** O prazo de presentación de solicitudes debe ser de 1 mes. **Non responden.**
-  **Artigo 6º. A comisión de selección** ten un marcado carácter político e nela debe ter un maior peso o profesorado, ben por sorteo xeral ou entre docentes con experiencia nas diferentes modalidades.
-  **Reunións das subcomisións.** Tal e como recolle a convocatoria os sindicatos podemos asistir a estas reunións. Nestes últimos anos desde a CIG-Ensino temos presentado queixas por non ser convocados. Aconteceu neste curso tamén na baremación do CXT que finalmente solucionamos tras reclamar a nosa incorporación. Deben darse instrucións claras.
-  **Artigo 7º.** Nos criterios de desempate consideramos que se deberían priorizar os servizos docentes en primeiro lugar, logo a formación e por último o proxecto, xa que a maior discrecionalidade deste apartado xa se dá ao outorgarlle a

puntuación inicial, polo que o desempate debe darse por cuestións obxectivas.

-  **Pedimos a retirada da Disposición Adicional 1ª**, xa que pode provocar unha maior redución das xa limitadas licenzas que se convocan, ao autorizar que algunhas accións formativas que non teñen nada a ver coas modalidades desta convocatoria se poderían adxudicar dentro das prazas ofertadas.

## Baremo

-  O **proxecto** debe baixar a 10 puntos e ser necesario acadar 4 ou en todo caso 6 puntos (se queren manter o do 60% como mínimo) e non 12 para acceder á licenza.
-  Nos **servizos docentes** débese incrementar a puntuación de 10 a 15 puntos.
-  En **formación** débese incrementar de 6 a 8 puntos (3 por recibida e 5 por coordinación ou impartición) e que se puntúe 0,2 puntos por cada 10 horas de formación impartida (en vez de 0,10).

## OS NOSOS LOCAIS

**SANTIAGO** (Local Nacional)  
Rúa Miguel Ferro Caaveiro 10  
15706 Santiago  
☎ 981 57 68 00  
[santiago@cig-ensino.gal](mailto:santiago@cig-ensino.gal)

**A CORUÑA**  
Rúa Alfonso Molina 90  
15007 A Coruña  
☎ 981 169 810  
[acorunha@cig-ensino.gal](mailto:acorunha@cig-ensino.gal)

**MORRAZO**  
Rúa Atranco 19a, Entrechán 1  
36947 Cangas  
☎ 986 302 987  
[morrazo@cig-ensino.gal](mailto:morrazo@cig-ensino.gal)

**FERROL**  
Rúa Eduardo Pondal 41-43  
15403 Ferrol  
☎ 981 358 750  
[ferrol@cig-ensino.gal](mailto:ferrol@cig-ensino.gal)

**LUGO**  
Ronda da Muralla 58, 2º andar  
27003 Lugo  
☎ 982 245 023  
[lugo@cig-ensino.gal](mailto:lugo@cig-ensino.gal)

**OURENSE**  
Parque de San Lázaro 12, 4º  
32003 Ourense  
☎ 988 238 350  
[ourense@cig-ensino.gal](mailto:ourense@cig-ensino.gal)

**PONTEVEDRA**  
Rúa Pasanteria 1, 2º Esquerda  
36002 Pontevedra  
☎ 986 861 513  
[pontevedra@cig-ensino.gal](mailto:pontevedra@cig-ensino.gal)

**A MARIÑA**  
Avenida de Galicia 20, 1º  
27700 Ribadeo  
☎ 982 129 593  
[amarinha@cig-ensino.gal](mailto:amarinha@cig-ensino.gal)

**VAL DE MONTERREI**  
Rúa Pedro González 5, 1º  
32600 Verín  
☎ 988 412 345  
[verin@cig-ensino.gal](mailto:verin@cig-ensino.gal)

**VIGO**  
Rúa Gregorio Espino 47, Baixo  
36205 Vigo  
☎ 986 827 935  
[vigo@cig-ensino.gal](mailto:vigo@cig-ensino.gal)

**SALNÉS**  
Rúa Alexandre Bóveda 2, 2º  
36600 Vilagarcía  
☎ 986 505 323  
[salnes@cig-ensino.gal](mailto:salnes@cig-ensino.gal)